


PROGNOSTICON Michaelis Nostradami ad Annum 1560...
CF. B. ST GALLEN (SUISSE) - STIFTSBIBLIOTHEK : SS RECHTS XII 11
BENAZRA Pag 41

PROGNOSTICON

Michaelis Nostradami ad

Annum 1560.

Diß ist ein kurze Practi-
ca welche anzeigt von dem Ex. Jar-
biß in das Lxxij. Was sich in der zeyt verlaufe
sen vnd zutragen soll/mit vil vnnnd mancherlay zwo-
tracht vnnnd Krieg/ auch Thewung/ Sterben/vnnnd
andere vil widerwertigkeit. Welche Practica in
der Französischen sprach einem gütten He-
ren in Teütschland ist abgeschickt wor-
den/ vnd er nachmals in Teütsch
hat verfertigen lassen/ Allen
frommen Chrißten zu
güt an den Tag
geben.



PROGNOSTICON

Michaelis Nostradamus ad

Annum 1560.

Ach dem das gegenwertige Jar vnder vil vergangen auch zukünfftigen / biß inn das 1567. wol das aller gefährlichste ist / so werden vil selgame newe zwoytracht / Kotten vnd factiones durch ein neuen gewaltigen der dem Flagello Dei, mit wüsten vnd Tyrannistieren nicht vngleich entstehn.

Auch groß hunger vnd sterben / welche alle sampt einzeytlang werden überhand nemen.

Denn der Mars ist noch nicht gestillet / so man wüdt erfaren zwoytracht / vnd auffhüt / vnder dem gemeinen Mann / so wol von wegung der spaltung in Religion sachen / als anhang ertlicher hohen Potentaten / vnnnd auch Secten / durch welche nicht ein geringer abbruch der Christlichen Kirchen entstehn kan / So vil ich befunde / so soll man sich vor diser

A ij rei

reuolution nicht wenig fürchten/ als von allen
denen/so vom Jar 1539. biß hieher verlauffe
fen sind/denn durch die reuolution dises gegen
wertigen Jars / vnnnd die Ecclipsis vergangen
vnd hiernach folgende ist das Gemeine volck
durch Martis böse ducken auß dermassen ge
engstiget/genöttiget.vnd nidergetrucket/Vnd
ehe der dritte theil dises Jars verlauffen/wirdt
yederman spüren vnnnd bekennen/ das die ver
gangene Kriegsleüffe nit so grausam.vnnnd
schädlich gewesen / als die zukünfftigen sindt/
werden. Wenn Mercurius / Die Sonn vnd
Iuppiter sich zusamen fügen/als denn werden
dise böse effecten an tag kommen.

Darzu ein theils belangen die Münzrech
nung/vnd das nicht ohn mercklichen schaden
des Gemeinen manns/mit nutz aber vnd bes
serung der Iouialisten/ Ja mehr der Mercuris
alisten/welche ohn wechsel vnd werden/than
iren gewinn erlangen.

Mercurius inn einer erhobenett figur/mit
der Sonnen/wirdt groß klagen vnd trawrige
keit geben/vnd die Sonn wirdt die behende
Todt

Todtschleg hierauf gethan / zuwegen bringen.

Im Jar 1561. vnd 1562. Wirdt etts was selzams ins werlt bracht / Doch zu grosser kleinerung / schmach vnnnd schand / deren / so es zum ersten angeben haben / vnnnd wirdt das sprichwort waar erfunden / *Malum consilium, Consultori pessimum*, Der anfang wirdt sicher heben inn Deütschem Landt / darnach kompt dasselbige vnglück in Frankreich / vnnnd wirdt vrsach geben in der Christenheit einer grossen Auffthär vnd sedition durch ertliche Häupter auß der gemein / *Vt ex priuatis hominibus*, Da sy aber verhoffen den gangen Baum züergreifen / werden jnen nur die abgefallen Bletter zütheil / Darnach erfolget solch vnglück inn Hispania vnd gangem Italia.

Es wirdt auch grosse auffthär oder sedition vernommen im Landt Auton / welche nicht gar wyderlegt vnd gestillet / biß in das Jar 1568.

Vnd inn disen Auffthären wirdt es so gar erschrecklich vnd vnglücklich zügehen / das auch
A iij ein

ein B:lder wider den anderen sich bewegen/
rüsten vnd brauchen lassen wirdt / fürnämlich
auch wirdt das gemein volck von allen seytten
beschwärdt vnd benottiget werden.

Inn welchen Landschafftten aber oder Kün:
nigreichen all dise wunderbarliche ding sich zū
tragen werden / Ist on noth / auch nit dienlich
außercklich zūschreyben.

¶ Es lesset sich ansehen als wolt Pithagoras
einen neuen Attilam erwecken vnnnd herfür
bringen / der vns allen dises gegenwertige Jar
inn vilen Landen ganges Europa hefftig dro:
wet. ¶ Pithagoras statuit animas de corporibus
in corpora migrare Attila Rex.

Etliche haltens nur für vngüt / vnnnd ma:
chen vnnütze geschweiz / das ich von vilen stu:
cken inn Particulari etwas anzeyge / denselbi:
gen aber will ich auff dis mal nicht weytläuff:
tiger antworten / Besonder dieweyl was ein
yegklichen Tag aller Monat sich zūtragen
mag / genügsam auß den Finsternussen abzūne:
men ist.

Die

Die Frücht werden inn diſem Jar nicht wol
gerhatten / ſondern im anfang vund inn der
Blä / von Kelte / Nebel vund Froſt beſchädig
get / Deß Unkrauts vnd Dorn wirdt mehr ge
ſamlet werden / denn güttes Korn.

Folget hiernach mancherley Kranckheit / als
Peſtilenz ſampt anderen ſchröcklichen ſeüch
ten. Item groſſe gefährlichkeiten vund vnzöli
che vngemach / ſchaden / verluſt / ſo mit dem ob
genannten vnglück eingemenget / welches al
les vnns Gott der Allmächtige vnſer ſünden
halb züſchicket.

Das meißte ſterben wirdt geſchehen vnder
dem gemeinen Mann vund Bauwvolck / de
ren auch vil von wegen der langtwirigen Auf
rühr mit dem Schwerdt umbbracht werden.
Ein vnſchuldig Kind oder Son deß freinds /
wirdt durch wüthen vund toben aufgeſtoſſen
vnd ſürgeworffen / den gar Wilden vnd vnge
zympten Thieren / welchen Thieren allerley
Tyranny vnd mühtwill zütreiben zügelaffen
wirdt.

Das

Das murren vnd schrey n/klagen vber
den Mordt vnd Vnmenschlichen Thaten/
wirdt weyt erhört vnd außgebreitet/vnd doch
mit weniger beschwörung vnd gefenglichkeit
mit sich bringen/als ein groß incendium. Wie
uol die firtämbste Heypter der Kotten vnd
faction werden sich begeben inn die Latnische
Landtschafft/Das ist in Italiam/ vnd etliche
der Obersten werden vmbbracht/Man wirt
außrißsen libertas, libertas pro reptio, bey dem
aber so obligen wirdt/wirt man dreymal gröf-
ser Tyranny gebraucht sehen/denn bey keinem
vorigen gespürt worden.

Vnd der sich aufgeben wirdt / als wer er
der/der er doch mit der warheit nicht ist/dem
wirdt es fehlen/vnd yederman wirdt auffinen
ein sonderliches auffsehen haben / der erreme
Knecht vnd Diener wirdt thün wie Polyda-
mus dem Parmenonj / vnd einer wirdt den
andern mit aller seiner Gesellschaft vmbbun-
gen.

Allerley Fisch vnd was sich im wasser er-
haltet/wirdt in dem Sommer durch den Windt
Boreas

Boreas also beschediget / das vil werden ab-
stehn.

Der Sonnen einen auß dem Aquilonaribus
regionibus wirdt angefochten durch verhätes-
rey/zñ der grossen zñsamen waschung des Cri-
stel/des doch ertliche der fürnämsten im Landt
gefessen / wissenschaftt tragen werden/durch
angebung vnd anzeygung deren inn der Insel
Britannia/Es wirdt aber aller fleiß vnd listige-
keit vmb sonst sein.

Weyter wirdt vnglück entstehn auß grosser
anzündung vnd brandt/vil grösser aber vnnd
wunderbarlicher auß vngestühm vnd flut der
Wasser.

Item/Es wirdt sich noch etwas selgamers
zñtragen / welches ohn noth zñuermelden ist/
denn es genügsam an tag kommen wirdt.

Vnder den Auffcürischen werden vil vnnd
mancherley anschleg fürgenommen/vnnd ge-
waltige hauffen des Kriegsvolck werden ohn
Heupt zñsamen kommen.

B Die

Die Hauptstück der zwytracht werden so
wichtig/das von vilen angefangen sachen/gar
wenig zum end bracht werden/Es wirdt einer
das/so er angenommen vnnnd bekommen hat/
nicht gern auß den henden lassen/dieweyl er
befürcht ein ander neme dasselbige jm.

Durch böse giffrige Lüfft vnd Ungewitter/
wirdt ein sonderlicher anschlag verhindert.

An stat ein fridlichen vnd freündtlichen bey-
lebens vnnnd beyleigens/wirdt ein wüftung/
Das größte wüthen aber wirdt über die Geiße-
lichen außgehn/welch auch vnder sich selbs vil
Disputierns/haders vnd zancßs haben/vnnnd
von grossen Herren werden sy gehasset/gütte
Gesetz vnd Ordnung werden sy verachten.

Die verfolgung vnd Tiranney wirt so groß/
das etlichen schwär bekommen wirdt/iren durst
damit zältschen.

Vnd wiewol vil blüts vergossen/wirt/doch
ein grosser hauff die hand auffwerffen/welcher
doch on grossen vnkosten nicht geschehen kan/
Ettlich

**Ettlich werden sich stellen außwendigklich/
als wenn sy der Religion geneygt weren/aber
im gemüht vnnd innwendig werden sy gang
anders gesinnet.**

**Das einer mit dem andern ein mitleyden soll
tragen/oder rechtgshaftne liebe erzeigen/wirt
gar frembd vnd selzam sein.**

**Es wirt vil Raubens zu Wasser vnd Land/
Item so wol durch mitverwandte/als feind.**

**Item / Todtschlag/ Mordt/ Vnkeüschheit/
Mähtwill / werden allenthalben überhandt
nemen.**

**Item zwen oder drey werden erschlagen
werden/oder mit tod abgehn/Vnd auß dersel-
ben einer tod wirt erfolgen ein mercklich auff-
rühr/mit mangel des Korns vnd Prouiandt/
denn Hispania / Prouincia / Italia/wirdt nit
vil frucht zugefürt/als man verhofft.**

**Die Finsterniß dröwen noch ein ander vno-
glück/welches man nit gern sehen wirdt.**

B ij Die

Die Weg vnd Landtstrassen/werden an allen Othen eröffnet / aber durch rotten vnnkrauberey verhindert.

Item es wirdt bedeytet eins großmächtigen Herren jämerlicher abgang inn seiner eignen Herrschafft/vnnd die Vnderassen werden in die Güter nit gestotten oder folgen lassen/ Ja irer etliche werden mit Gefengnuß/belegung vnd tumult beängstiget.

Maler vnnd dergleichen Künstler/Item geleerte Männer vnd treffliche ingenia/ werden diß Jar zu leyden haben/Irer vil auch mit Tod verscheyden/denn böse Lufft/Therung/nottürffiger kost vnnd narung wirdt in zu wider werden.

Vnder denen vom Adel wirt man sehen vnwillen/zwitracht/hader/vnd irer Reichthumb oder glücks abbruch.

Ein König wirt diß Jar mit Leibs schwachheit vnnd Kranckheit beladen/ GOTT aber wirdt in erhalten/ vnd widerumb gesundtheit geben.

Darnach

Darnach wirdt man von newem vnfriden
vnnd zwoytracht zwyschen den Leitten allent
halben vernemen.

Rathsherren/Schreyber/Juristen/werden
nicht gering vnglück empfinden.

Item diß Jar wirdt gespürt ein Particular
vnfruchtbarkeit/vnnd ein allgemeine verder
bung der Kreüter vnd Obß/Zum theil durch
Würm vnd vgezüßer.

Im anfang des Somers/ Zum theil durch
vngewonliche kelte vnnd frost/ vnnd anndere
giftige Zeichen. Auß welchem darnach
Krankheit der Pestilenz nicht
vngleich/sondern dasselbi
ge zeytlich darauß
erfolget.

Ende diser Practica.